

Farg'ona haqiqati

Ijtimoiy-siyosiy, ma'naviy-ma'rifiy gazeta



<http://farhaqiqat.uz/>



t.me/farhaqiqati

ТАЙИНЛОВ



ДОЛИМОВ

Ҳақимжон Абдумўминович

Фарғона вилояти ҳокимининг қурилиш, тўсиқларсиз муҳит яратиш, коммуникациялар, коммунал хўжалик, экология ва кўкаламзорлаштириш масалалари бўйича ўринбосари лавозимига тайинланди.

Ҳақимжон Долимов 1983 йилда Бувайда туманида туғилган. 2006 йилда Фарғона политехника институтини тамомлаган. Меҳнат фаолияти давомида вилоят иқтисодиёт бош бошқармаси, Фарғона вилояти ҳокимлиги, Иқтисодий тараққиёт ва камбағалликни қисқартириш вазирлиги Миллий ва ҳудудий инвестицияларнинг йўналиши ва лойиҳаларини шакллантириш бошқармаси, вилоят ҳокимлиги "Ягона буюртмачи хизмати" инжиниринг компаниясида хизмат қилган. Мазкур лавозимга тайинловга қадар вилоят ҳокимлиги капитал қурилиш соҳасида буюртмачи хизмати директори вазифасида ишлаб келатганди.

ФАРҒОНАДА АБДУҲОШИМ ИСМОИЛОВ ИЖОДИГА БАҒИШЛАНГАН ХАЛҚАРО КЎРИК-ТАНЛОВ ЎТКАЗИЛАДИ

Ўзбекистон Республикаси Маданият вазирлиги ва Фарғона вилояти ҳокимлиги ҳамкорлигида жорий йилнинг 29-30 январь кунлари Фарғона шаҳрида Ўзбекистон ва Қорақалпоғистон халқ артисти Абдуҳошим Исмоилов ижодига бағишланган халқаро кўрик-танлов ўтказилади.

Ўзбек халқи санъати довуғини дунёга таратаётган моҳир созанда Абдуҳошим Исмоиловнинг бастакорлик ижодига мансуб ўлмас асарлари ҳамда ижрочилик маҳоратини ўрганиш, миллий маданиятимизни кенг тарғиб қилиш, шунингдек, аҳоли ўртасида анъанавий ижрочилик ва мақом санъатини оммалаштириш, иқтидорли ёшларни кашф этиш мақсадида ташкил этилаётган мазкур кўрик-танловда 7 ёшдан 70 ёшгача бўлган ҳамюртларимиз ва хорижий давлатларнинг санъатга ошўфта фуқаролари иштирок этиши мумкин.

Танлов икки – саралаш ва якуний босқичда қуйидаги йўналишларда ўтказилади:

- чолғу ижрочилик ансамбли йўналиши;
- чолғу ижрочилик (якка ижро) йўналиши;
- анъанавий хонандалик ансамбли йўналиши;
- аёллар овози (якка ижро) йўналиши;
- эркеклар овози (якка ижро) йўналиши.

Якуний босқичда Абдуҳошим Исмоилов ижодидан ихтиёрий асарни ҳамда шартли асарни ижро этиш талаб этилади. Баҳолаш мезонидида ижро маҳорати, техник тайёргарлик, сахна маданияти, ижро дастурининг танланиши инобатга олинади. Гран-при фолиби ҳамда 1, 2, 3-ўринларни эгаллаган иштирокчилар махсус диплом ва қимматбаҳо совғалар билан тақдирланади.



ШИНЖОН: УЗУМИНИ ЕНГ, БОҒИНИ СЎРАНГ



2-бет

Сийёсий шарҳ

Келгуси тўрт йил ТРАМП БИЛАН

Ўзбекистон ва Америка муносабатлари қандай мақомда бўлади?

АҚШ президентлик сайловида ғалаба қозонган Доналд Трамп бизга яхши таниш. Шу йилнинг 20 январь куни у АҚШнинг 47-президенти лавозимини расман эгаллади.


Доналд Трамп инаугурация маросимидаги чиқишида Американинг "олтин даври" бошланганини таъкидлади. Аввалги ҳукуматни танқид қилди, инфляцияни енгишга, "сўз эркинлиги ва қонуни қайтариш"га, "тинчликпарвар ва бирлаштирувчи мерос" қолдиришга ваъда берди. Кўп йиллик урушларни якунлаш, янгиларини бошламаслик ва Америка манфаатлари йўлида душманларни яраштириш Трампнинг президент сифатида иккинчи мuddатдаги режасидир.

Янги президент имзолаган илк фармонларда мамлакат хавфсизлиги ва барқарорлигини ҳимоя қилишга алоҳида эътибор қаратилган.

Вашингтонда бутун дунёга таъсир қиладиган воқеалар содир бўлди. Трамп АҚШ жанубий чегараларида фавқулодда ҳолат эълон қилди ва ноқонуний мигрантлар мамлакатга ўтишига энди йўл қўйилмаслигини айтди. "Ҳамма ноқонуний мигрантлар келган жойига қайтарилади" деди у. Шунингдек, наркотик моддалар савдоси билан шуғулланадиган қартелларни террорчилик ташкилоти деб эълон қилди, АҚШ фақат икки жинсни – эркек ва аёл жинсини тан олишини айтди.

Унинг инаугурациягача айтган бошқа давлатларни қўшиб олиш ҳақидаги гаплари шунчаки сафсатага ўхшамайди. Чунки республикачи президентликка киришган илк дақиқалардаёқ "Байроғимиз янги ва ажойиб горизонтларда ҳилпирайди, фазогирларимиз эса АҚШ байроғини Марсга ўрнатишади" деб тақдорлади. Бу гапдан Илон Маск хурсандчилиқдан сакраб юборди.

Давлат етакчисининг биринчи имзолаган фармони америкалик тадбиркор Илон Маск бошчилигида АҚШ ҳукумати самарадорлик департаменти яратиш тўғрисидаги ҳужжат бўлди. "Оқ уй" раҳбари "Мексика кўрφαзи" номини "Америка кўрφαзи"га ўзгартириш тўғрисидаги фармонни ҳам имзолади.



Давоми 3-бетда

Маҳалла банкирлари:

АҲОЛИГА ЭНГ ЯҚИН МОЛИЯВИЙ ТАРҒИБОТЧИ



3-бет

Шу куннинг мавзуси



ЎЗБЕКИСТОНДА КАРТОШКА НАРХИ ОШАДИМИ?

4-бет

Энди "Фарғона ҳақиқати" газетасини ўқийсиз ва кўрасиз!

"Фарғона ҳақиқати" газетаси ижодий жамоаси газет-хонларга янада мазмунли маънавий озиқ улашиш мақсадида янги ғоя ва лойиҳалар устида изланишлар олиб бормоқда. Мақолаларни мазмунан бойитиш, янги рунлар ташкил этиш, ўзига хос дизайн яратиш асосий мақсадимиздир.



Тахририят жорий йилдан бошлаб мамлакатимизнинг, шу жумладан, Фарғона вилоятининг муҳим сийёсий воқеалари, дунё янгилликлари, Ўзбекистон тарихи ва бугунги ижтимоий-иқтисодий ҳаётига боғлиқ жараёнлар, шунингдек, буюк мутафак-

Эндилда Сиз газета саҳифасида берилган QR КОДни мобил телефонингизга "юклаб олиб", воқеликлар, жараёнлар, мақолалар, асарлар, тадбирларнинг фото ёки видео кўриниши билан танишиш имконига эга бўласиз.



кирлар, давлат арбоблари, шу куннинг қаҳрамонларига оид мақолалар, таниқли ёзувчи ва шоирларнинг асарлари, эл суйган санъаткорларнинг халқ қалбидан ўрин олган қўшиқларини QR КОД шаклида чоп этиб боришни режалаштирди.

"Фарғона ҳақиқати" газетаси материаллари QR КОДни эътибордан четда қолдирманг, бир маънавий озиқангиз икки ҳиссага ортади.

Сизнинг хизматингиздаги "Фарғона ҳақиқати" газетаси ижодий жамоаси.

